

"Қазақстан Халық Банкінің
өмірді сақтандыру бойынша
"Халық-Life"
еншілес компаниясы"
акционерлік қоғамы



Акционерное общество
"Дочерняя компания
Народного Банка
Казахстана
по страхованию жизни
"Халык-Life"

Мақұлданды

"Халық-Life" АҚ Басқармасының
шешімімен

(2023 жылғы 09 наурыздағы №13
отырыс хаттамасы)

Бекітілді

"Халық-Life" АҚ Директорлар
кеңесінің шешімімен

(2023 жылғы 15 наурыздағы №09
отырыс хаттамасы)

"Халық-Қазына" өмірді аралас сақтандыру ЕРЕЖЕСІ

*Директорлар кеңесінің шешімімен бекітілген №1 өзгертулер ескерілген
(2023 жылғы 12 желтоқсандағы № 44 отырыс хаттамасы)*

Данная электронная копия является копией утвержденного документа. Документ вводится в действие с первого рабочего дня, следующего за днем подписания акта о технической реализации процедуры заключения договоров смешанного страхования жизни в информационных системах Общества, его агентов и партнеров. В распечатанном виде данный документ используется для информации. Для заверения копии документа необходимо обратиться в УРПиБП

Алматы қ., 2023

Құжаттың мазмұны

1-бөлім. ЖАЛПЫ ЕРЕЖЕЛЕР.....	4
1-тарау. Терминдер мен қысқартулар	4
2-бөлім. САҚТАНДЫРУ ШАРТЫНЫҢ ЕРЕКШЕЛІКТЕРІ.....	6
2-тарау. Осы ережеге сәйкес жасалатын сақтандыру шартының ерекшеліктері.....	6
3-бөлім. ӨМІРДІ АРАЛАС САҚТАНДЫРУ	6
3-тарау. Сақтандыру жағдайы.....	6
4-тарау. Сақтандыру шартының мәні.....	6
5-тарау. Сақтандыру шартын жасау тәртібі.....	6
6-тарау. Медициналық тексеру	8
7-тарау. Үшінші тұлғаны сақтандыру	8
8-тарау. Сақтанушыны ауыстыру	8
9-тарау. Сақтандырылған тұлғаны ауыстыру.....	9
10-тарау. Пайда алушы	9
11-тарау. Тараптардың құқықтары мен міндеттері.....	10
12-тарау. Сақтандыру шартының қолданылу мерзімі	11
13-тарау. Сақтандыру шартының әрекет ету орны	12
14-тарау. Сақтандыру сомасын анықтау тәртібі	12
15-тарау. Сақтандыру сыйақысын төлеу мөлшері, тәртібі және мерзімі	12
16-тарау. Сатып алу сомасы	13
17-тарау. Қарыз алу.....	14
18-тарау. Сақтандыру төлемінің мөлшері.....	14
19-тарау. Сақтанушының сақтандыру жағдайы орын алғанда жасайтын әрекеті, сақтандыру төлемін жасау шарттары мен тәртібі	16
20-тарау. Сақтандырушының сақтандыру төлемін жасаудан босату негіздемесі	18
21-тарау. Сақтандыру шартын тоқтату талаптары.....	19
22-тарау. Сақтандыру шарты бойынша сақтандыру сыйақысын, сақтандыру сомасын, сақтандыру төлемін және сатып алу сомасын қайта есептеу шарттары	20
23-тарау. Сақтандыру шартына өзгерістер мен толықтырулар енгізу жағдайы мен тәртібі.....	21
4-бөлім. САҚТАНДЫРЫЛҒАН ТҮЛҒА ЖАЗАТАЙЫМ ОҚИҒА САЛДАРЫНАН ҚАЙТЫС БОЛҒАН ЖАҒДАЙДА САҚТАНДЫРУ	22
25-тарау. Сақтандыру жағдайы және сақтандыру тәуекелі	22
26-тарау. Сақтандыру жағдайларынан шектеулер және сақтандыру шектеулері	22
27-тарау. Сақтандыру сомасы мен сақтандыру төлемінің мөлшері.....	25
5-бөлім. ҚОРЫТЫНДЫ ЕРЕЖЕЛЕР	25
28-тарау. Сақтанушының орналасқан жерінің немесе тұрғылықты мекенжайының өзгеруі.....	25

29-тарау. Қосымша шарттар.....	26
--------------------------------	----

Осы сақтандыру ережелері Қазақстан Республикасының қолданыстағы заңнамасына сәйкес әзірленген және «Халық-Қазына» АҚ аралас өмірді сақтандыру шарттарын жасасу және оларды орындау тәртібін белгілейді.

1-бөлім. ЖАЛПЫ ЕРЕЖЕЛЕР

1-тарау. Терминдер мен қысқартулар

1. Осы сақтандыру ережесінде мынадай терминдер пайдаланылады және олардың анықтамалары:

пайда алушы - Сақтандыру шартының талаптарына сәйкес сақтандыру төлемін алушы болып табылатын тұлға;

сатып алу сомасы – Сақтандыру шартын мерзімінен бұрын тоқтатқан жағдайда сақтандыру шартының талаптарына сәйкес сақтанушыға төленуге тиісті ақша сомасы;

сақтандыру жылы – Сақтандыру шартын жасаған күннен басталатын күнтізбелік жылдар (он екі айлық кезең);

полиске бір жыл толу – сақтандырып қорғау қолданысы кезеңіне сәйкес келетін полис шығарылған күн және аймен сәйкес келетін күн, саны және айы;

сақтанушының сақтандыру шартының қолданылу мерзімі аяқталғанға дейін өмір сүруі - сақтанушының сақтандыру шартының соңғы күнінің Алматы уақыты бойынша 23 сағат 59 минут 59 секундқа дейін аман қалуы;

кәмелет жасына толмағанның заңды өкілдері – ата-анасы (біреуі), асырап алушылар, қамқоршы немесе қамқорына алушы, асырап алған ата-анасы (біреуі), патронатты тәрбиелеуші және басқа да оларды білетін Қазақстан Республикасының заңнамасына сәйкес қамқорлықты, білім беруді, тәрбиелеуді, баланың құқықтары мен мүддесін қорғауды жүзеге асыратын тұлғалар;

сақтандырылған тұлға – оған қатысты сақтандыру жүргізілетін тұлға.

"USD/KZTTOD" бағамы – Қазақстан Республикасы Ұлттық Банкі белгілеген және сақтандыру ережесінде белгіленген жағдайларда және тәртіпте қолданылатын АҚШ долларына қатысты теңгенің бағамы;

жазатайым оқиға – сыртқы механикалық, электрлік, химиялық немесе термикалық әсерлердің сақтандырылған тұлғаның ағзасына әсер етуінен, оның денсаулығына зиян әкелген, мертігуіне немесе өліміне әкелген, адамның еркінен тыс оқыс, қысқа уақытта орын алған оқиға (жағдай);

жаңартылған полис – сақтандырушы сақтанушыға алдында берілген полис орнына сақтандыру шартына кейбір өзгерістерді және/немесе толықтыруларды енгізгенде берілетін полис;

полис –полисте және сақтандыру ережелерінде көрсетілген шарттар бойынша сақтандыру шартын жасауды растайтын сақтандырушы сақтанушыға берген құжат;

сақтандыру ережелері – осы «Халық-Қазына» өмірді аралас сақтандыру ережелері;

кәсіби түрде спортпен шұғылдану – жаттығу жүктемелері қарастырылатын және бұдан кейін де спорттық жарыстарға қатысуды болжайтын және ол жерде спортшы дайындалғаны және қатысқаны үшін сыйақы алуы қарастырылатын физикалық жаттығулармен байланысты жүйелі түрде белгілі бір спорт түрімен айналысу;

сақтанушы - Сақтандырушымен Сақтандыру шартын жасаған тұлға;

сақтандырушы – сақтандыруды жүзеге асыратын, яғни сақтандыру жағдайы орын алған жағдайда сақтандыру төлемін сақтандыру шарты жасалған тұлғаға (аайда алушыға) шатта белгіленген сома шеңберінде (сақтандыру сомасы) сақтандыру төлемін төлейтін «Қазақстан Халық Банкініңөмірді сақтандыру бойынша «Халық-Life» еншілес компаниясы» акционерлік қоғамы;

сақтандыру төлемі – сақтандырушының пайда алушыға сақтандыру жағдайы орын алғанда төлейтін ақша сомасы;

сақтандыру сыйақысы – сақтанушы сақтандырушыға соңғысының сақтандыру төлемін жасау міндеттемесін алғаны үшін төлеуге міндетті ақша сомасы. Сақтандыру сыйақысын төлеу осы сақтандыру ережесіне сәйкес бір уақытта немесе кезенді сақтандыру жарналары түрінде бөліп төлеумен жүргізіледі;

сақтандыру сомасы – сақтандыру нысаны сақтандырылған және сақтандыру жағдайы орын алғанда сақтандырушының жауапкершілігінің шекті көлемін білдіретін ақша сомасы.

сақтандыру жағдайы – орын алуына байланысты сақтандыру шарты талаптарымен қарастырылған тәртіпте сақтандыру төлемін жүзеге асыру қарастырылатын оқиға;

2-бөлім. САҚТАНДЫРУ ШАРТЫНЫҢ ЕРЕКШЕЛІКТЕРІ

2-тарау. Осы ережеге сәйкес жасалатын сақтандыру шартының ерекшеліктері

2. Тараптардың келісімі бойынша сақтандыру шартына қайғылы оқиғаларды сақтандыруға қатысты қосымша шарттар енгізілуі мүмкін. Осы шарттар сақтандыру шартының ажырамас бөлігі болып саналады.
3. Сақтандыру шартының қайғылы оқиғалардан сақтандыруға қатысты қосымша шарттарына сақтандырылған тұлға қайғылы оқиға нәтижесінде қайтыс болу жағдайында сақтандыру кіреді.
4. 3-бөлімде берілген сақтандыру ережесінің талаптары аралас өмірді сақтандыруға қатысты қолданылады.
5. Сақтандыру ережесінің 4-бөлімінде көрсетілген шарттар сақтандырылған тұлғаның қайтыс болуына әкелген қайғылы оқиғадан сақтандыруға қолданылады.
6. Сақтандыру ережесінің 3-бөлімінде көрсетілген талаптар сақтандыру ережесінің 4-бөлімінің талаптары егер соңғысында басқасы қарастырылмаған болса ғана қолданылады.

3-бөлім. ӨМІРДІ АРАЛАС САҚТАНДЫРУ

3-тарау. Сақтандыру жағдайы

7. Сақтандыру жағдайына сақтандырылған тұлғаның сақтандыру шартының қолданылу мерзіміне дейін өмір сүруі немесе сақтандыру шарты (сақтандыру қорғанысы) кезеңінде қайтыс болуы кіреді.

4-тарау. Сақтандыру шартының мәні

8. Сақтанушы сақтандыру сыйақысын сақтандыру шартында қарастырылған тәртіпте және мерзімде төлеуге міндетті.
9. Сақтандырушы сақтандыру жағдайы орын алған жағдайда сақтандыру төлемін сақтандыру шартында қарастырылған мөлшерде, тәртіпте және мерзімде төлеуге міндетті.
10. Сақтандыру объектісі ретінде сақтандырылған тұлғаның (пайда алушының) сақтандыру шартымен белгіленген (негізгі талаптарға қатысты) қолданылу мерзімі кезінде өмір сүруімен байланысты, сондай-ақ сақтандырылғанның өмірі мен денсаулығына келтірілген зияндар себебінен қайтыс болуына алып келген (қосымша талаптарға қатысты) мүліктік мүдделері қолданылады.

5-тарау. Сақтандыру шартын жасау тәртібі

11. Сақтандыру шарты сақтанушының бір жақты тәртіпте (қосылу шарты) әзірлеген үлгі шарттарға (сақтандыру ережесіне) қосылуы және сақтандырушының сақтанушыға сақтандыру полисін беруі арқылы жазбаша нысанда жасалады. Бұл ретте сақтанушының талабы бойынша берілетін полиске сақтандыру ережесінің көшірмесі қоса беріледі (жіберіледі). Бірге бұл құжаттар (полис пен сақтандыру ережесінің көшірмесі) сақтандыру шарты болып табылады. Тараптардың келісімі бойынша сақтандыру шартын электронды үлгіде жасауға рұқсат етіледі.

12. Сақтанушының сақтандыру шартын жасасуға келісімі сақтандыру шартын жасасу туралы өтінішке қол қою, одан кейін сақтандыру шарты бойынша сақтандыру сыйлықақысын төлеу арқылы расталады; Сақтандырушының сақтандыру шартын жасасуға келісімі полисті берумен расталады.
13. Сақтандыру шартын жасау үшін сақтандыру шартын жасауды қалаған тұлға (сақтанушы) сақтандыру ережесімен танысуға және сақтандырушы белгілеген үлгі бойынша сақтандырушыға сақтандыру жөніндегі өтінішін беруге міндетті.
14. Сақтандыру шартын жасасу кезінде, сақтандыру шартын жасасуға ниет білдірген тұлға (сақтанушы), егер бұл мән-жайлар сақтандырушыға белгілі болмаса немесе белгілі болмауы тиіс болса, сақтандыру жағдайының басталу ықтималдығын анықтау үшін елеулі маңызы бар, өзіне белгілі мәліметтерді сақтандыру жөніндегі өтініште хабарлауға міндетті.
15. Маңызды деп кез келген жағдайда сақтандыру тәуекелін бағалағанда сақтандыру жағдайының орын алу ықтималдығына және ықтимал шығындардың мөлшеріне әсер етуі мүмкін, сақтандыру ережесінде белгілі бір түрде келісілген, сақтандыру өтінішінде немесе сақтандырушының жазбаша сұратуында көрсетілген жағдаяттар танылады.
16. Егер сақтандыру шартын жасасқаннан кейін сақтанушының сақтандырушыға осы Тараудың 14-тармағында көрсетілген мән-жайлар туралы көрінеу жалған мәліметтер хабарлағаны анықталса, сақтандырушы сақтандыру шартын жарамсыз деп тануды талап етуге құқылы. Бұл ретте сақтандырушы сақтанушыға сақтандыру шарты бойынша алынған төлемнің 10 %-ы мөлшерінде сақтандыру шартын бұзуға байланысты сақтандырушының шығындарын шегере отырып, шарттың қолданылу мерзімі аяқталмаған сақтандыру сыйлықақысын қайтарады, ал сақтандыру төлемі жасалған болса, ол төленген соманы қайтаруды талап етуге құқылы.
17. Сақтандыруға қабылданбайды:
 - 1) мүгедектер, оларға тәуекелді жекелеген бағалау барысында андеррайтерлер қабылдаған тұлғаларды қоспағанда;
 - 2) психоневрологиялық диспансерде есепте тұратын тұлғалар;
 - 3) қылмысты іс жасағаны үшін еңбекпен түзету мекемелерінде жазасын өтеп жүрген тұлғалар;
 - 4) Компания андеррайтерлері алып тастаған тұлғалар.
18. Сақтандыру ережесінің 17-тармағында көрсетілген тұлғаларға қатысты жасалған сақтандыру шарттары қолданысқа түспейді, ал төлеп қойған сақтандыру сыйлықақысы, одан сақтандырушының сақтандыру шартының күшін тоқтату әрекеттеріне байланысты алынған сақтандыру сыйлықақысының 10% мөлшерінде жұмсаған шығындарын шегере отырып, сақтанушыға қайтарылады.
19. Сақтандыру шарты күшіне енгеннен кейін полис және сақтандыру ережесінде айқын бекітілген басқа құжаттар сақтандыру шартының ажырамас бөлігі болып саналады.

20. Сақтандыру шартын жасағанда сақтандыру шартын жасауды қалаған тұлға (сақтанушы) сақтандыру шартына сақтандырылған тұлғаның қайтыс болуына алып келген жазатайым оқидан сақтандыруға қатысты қосымша сақтандыру шарттарын қосуға құқылы.
21. Сақтандыру шартын жасап қойғаннан кейін сақтандыру шартына сақтандырылған тұлғаның қайтыс болуына алып келген жазатайым оқиғадан сақтандыруға қатысты қосымша шарттарды енгізуге рұқсат етілмейді.
22. Сақтандырылған тұлғаның қайтыс болуына алып келген жазатайым оқиғадан сақтандыруға байланысты шарттар өмірді аралас сақтандыру шартының талаптарына қатысты қосымша болып табылады және соңғы көрсетілген шарттарсыз сақтандыру шартына енгізілмейді.

6-тарау. Медициналық тексеру

23. Сақтандыру шартын жасаған кезде сақтандырушы сақтандырылатын тұлғаға (сақтандырылған тұлға) оның денсаулығының нақты күйін бағалау үшін сақтандырушының осындай тексеруге арналған медициналық мекемесінде медициналық тексеруді тағайындауға құқылы. Сақтандырылатын тұлға (сақтандырылған тұлға) медициналық тексеруден өтуден бас тартқан жағдайда сақтандырушы сақтандыру шартын жасаудан бас тартуға құқылы.
24. Медициналық тексеру сақтандыру шартын жасасуға ниет білдірген тұлғаның (сақтанушының) не сақтандырылатын тұлғаның (сақтандырылған тұлға) есебінен жүргізіледі. Сақтандыру шарты медициналық тексеруден кейін жасалған жағдайда, сақтандырушы медициналық тексеру бойынша шығыстарды медициналық тексеру төлемін, растаушы құжаттарда көрсетілген мөлшерде өтейді.
25. Егер медициналық тексеру сақтандырушының осындай тексеруге белгіленген медициналық мекемесінен өзге медициналық мекемеде өткізілген болса, онда медициналық тексеру шығындары сақтандырушының осындай тексеру үшін белгілеген тәрізді медициналық мекемесіндегі медициналық тексеру құнының шектерінде ғана өтеледі.
26. Егер сақтандыру шарты жасалмаса немесе сақтандыру сыйақысы төленбеген болса, онда сақтандырушы медициналық тексеру шығындарын өтемейді.

7-тарау. Үшінші тұлғаны сақтандыру

27. Сақтанушы сақтандырылған тұлға болып табылмайтын болса, сақтанушы Қазақстан Республикасының заңнамасында бекітілген жағдайларда, сақтандырылған тұлғаның сақтандыру шартын жасасуға жазбаша келісімін сақтандырушыға ұсынуға міндетті.
28. Егер сақтанушы сақтанушының кәмелетке толмаған (сақтандыру шартын жасасқан күні) заңды өкілі болса, осы тараудың 27-тармағының талаптары қолданылмайды.

8-тарау. Сақтанушыны ауыстыру

29. Сақтанушы сақтандыру шартымен анықталған барлық құқықтары мен міндеттерін басқа тұлғаға соңғысының, сақтандырылған тұлғаның және

сақтандырушының келісімі бойынша табыстай алады. Мұндай құқықтар мен міндеттемелерді табыстау үшін сақтандырушыға, сақтанушының, сақтандырылған тұлғаның және сақтанушының құқықтық мұрагерінің (сақтандыру шарты бойынша сақтанушының құқықтары мен міндеттерін қабылдаушы тұлға) қолы қойылған, сақтанушыны ауыстыру туралы өтініш ұсыну қажет. Сақтанушыны ауыстыру сақтандыру ережесінің шарттарына сәйкес сақтандыру шартына енгізілетін тиісті өзгерістер және толықтырулар күшіне енген күннен бастап жарамды болады.

30. Сақтандырылған тұлға болып табылмайтын сақтанушы қайтыс болған жағдайда, сақтандыру шартында анықталатын құқықтары мен міндеттері, сақтандырылған тұлғаның келісімімен сақтандырылған тұлғаға өтеді. сақтандырылған тұлға сақтандыру шарты бойынша міндеттерді орындай алмаған жағдайда оның құқықтары мен міндеттері заңнамалық актілерге сәйкес оның құқықтарын және заңды мүдделерін қорғау бойынша міндеттемелерді жүзеге асыратын тұлғаларға (заңды өкілдеріне, асырап алғандарға, қамқоршыларға) өтуі мүмкін.
31. Сақтандырылған тұлға немесе заңнамалық актілерге сәйкес оның құқықтарын және заңды мүдделерін қорғау бойынша міндеттемелерді жүзеге асыратын тұлғалар сақтандыру шарты бойынша құқықтар мен міндеттерді қабылдаудан бас тартқан жағдайда, сақтанушының сақтандыру шарты бойынша құқықтық мұрагері сақтанушы алдын ала сақтандырушыға жазбаша хабарламада көрсеткен тұлға болып табылады, ал осындай хабарлама болмаған жағдайда – сақтанушының мұрагерлері тағайындалады.

9-тарау. Сақтандырылған тұлғаны ауыстыру

32. Сақтандыру ережесінің шарттары бойынша сақтандырылған тұлғаны ауыстыруға жол берілмейді.

10-тарау. Пайда алушы

33. Егер сақтанушы сақтандырылған тұлға болып табылмаса, сақтанушы сақтандыру жөніндегі өтініште сақтандырылған тұлғаның келісімі бойынша сайда алушыны (немесе сақтандыру төлемінен үлестерін көрсете отырып бірнеше пайда алушылар) тағайындайды.
34. Егер сақтандыру шартында басқалай қарастырылмаған болса, сақтандырылған тұлға сақтандыру мерзімінің соңына дейін өмір сүрген жағдайда, сақтанушы пайда алушы болып табылады.
35. Сақтанушы сақтандыру жағдайы орын алғанға дейін сақтандырылған тұлға болып табылмайтын - пайда алушыны, сақтандырушының жазбаша келісімімен, басқа тұлғаға ауыстыруға құқылы. Пайда алушыны ауыстыру жаңартылған полис шыққан күннен бастап жарамды болады.
36. Пайда алушыны ол сақтанушымен жасалған келісімнен немесе сақтандырушыға сақтандыру төлемі туралы талап қоюына байланысты туындайтын сақтандыру шарты бойынша белгілі бір міндеттемелерді орындағаннан кейін басқа тұлғаға ауыстыруға болмайды.

37. Сақтандырылған тұлға болып табылмайтын пайда алушы қайтыс болған жағдайда немесе ол өз құқықтарынан бас тартқан жағдайда, оның құқықтары сақтанушыға өтеді, ал егер сақтанушы сақтандырылған тұлға болып табылса – сақтанушының мұрагерлеріне өтетін болады.
38. Егер пайда алушы және сақтандырылған тұлға бір уақытта (бір күнде) қайтыс болатын болса, онда сақтандыру төлемдерін жүзеге асыру тәртібі пайда алушы сақтандырылған тұлғадан бұрын қайтыс болған жағдайдағыдай орындалатын болады (осы Тараудың 37-тармағы).

11-тарау. Тараптардың құқықтары мен міндеттері

39. Сақтанушы құқылы:

- 1) сақтандыру шартын мерзімінен бұрын бұзуға;
- 2) сақтандырушыдан сақтандыру шартына сәйкес қабылданған міндеттемелерді орындауды талап етуге;
- 3) сақтандырушыдан сақтандыру шарттарын, сақтандыру шарты бойынша өзінің құқықтары мен міндеттемелерін түсіндіруді талап етуге;
- 4) сақтандыру шартында қарастырылған жағдайларда сақтандыру сыйақысын алуға;
- 5) полисті жоғалтып алған кезде, оның телқұжатын алуға, бұл ретте полис телқұжатының нөмірі жоғалған полистің нөмірімен бірдей болуы керек.

40. Сақтанушы міндетті:

- 1) сақтандыру сыйақысын сақтандыру шартында белгіленген мөлшерде, тәртіпте және мерзімде төлеуге және сақтандырушыға сақтандыру сыйлықақысының төленуін растайтын құжаттардың көшірмелерін беруге (сақтандыру полисі сақтандыру сыйлықақысы төленген күні ресімделген кезде);
- 2) сақтандырушыға сақтандыру тәуекелінің жағдайы туралы ақпарат беруге;
- 3) сақтандырушыға сақтандыру жағдайының орын алуы туралы дереу, бірақ кез келген жағдайда сақтандыру жағдайы орын алған күннен бастап күнтізбелік қырық күннен кешіктірмей хабарлауға. Егер сақтанушы (пайда алушы) орынды себептер бойынша сақтандырушыға сақтандыру жағдайының орын алуы туралы жоғарыда көрсетілген мерзім ішінде хабарлау мүмкіндігі болмаған жағдайда, ол уақтылы хабарламау себебі туралы жазбаша түсініктеме беруге және егер болса оларды растайтын құжаттарды беруге міндетті. Бұл ретте, сақтандырушыға сақтанушының сақтандыру жағдайы туралы хабарламаған немесе уақтылы хабарламауы сақтанушының еркіне байланысты емес себептер бойынша болса және осы деректі растайтын тиісті құжаттар берілген болса, онда бұл жағдайда хабарламау немесе уақтылы хабарламау сақтандырушының сақтандыру төлемді жүзеге асыруынан бас тартуы үшін негіздеме бола алмайды.

Хабарламау немесе уақтылы хабарламаудың орынды себебі сақтанушының еркіне байланысты емес жағдаяттар болып табылады, атап айтсақ: еңсерілмейтін күштер жағдаяты, яғни осы жағдай бойынша төтенше және

алдын алу мүмкін емес (форс-мажор) жағдайлары, оның ішінде, бірақ олармен шектелмейтін: апаттық құбылыстар, соғыс қимылдары және т.б.;

4) егер сақтанушы сақтандырылған тұлға болмаса, сақтандырушыға сақтандырылған тұлғаның сақтандыру шартын жасауға жазбаша келісімін беруге;

5) осы сақтандыру шарты бойынша сақтандыру жағдайларының алдын алуға бағытталған іс-шараларды жүзеге асыруға.

41. Сақтандырушы құқылы:

1) сақтандыру шартын мерзімінен бұрын бұзуға;

2) сақтанушыдан сақтандыру шартына сәйкес қабылдаған міндеттемелерді орындауды талап етуге;

3) сақтандыру жағдайының орын алу жағдаяттары мен себептерін тексеруге;

4) сақтанушыдан тәуекел дәрежесін анықтау және тариф мөлшерін белгілеу үшін маңызы бар кез келген ақпаратты сұратуға;

5) жылына бір реттен жиі емес өз есебінен (егер сақтандырылған тұлға Қазақстан Республикасының аумағынан тыс жерде болса, көлік шығындарын қоспағанда) сақтандырылған тұлғаның сақтандырушы белгілеген қосымша медициналық тексерулерін жүргізуге;

6) сақтанушы сақтандырушы сұратқан тәуекел дәрежесін, тариф мөлшерін, сонымен қатар теріс қорытынды жасалса сақтандырушының андеррайтерін анықтау үшін қажетті мәліметтерді бере алмаған немесе беруді қаламаған жағдайда, сақтандыру шартын жасасудан немесе қайта қалпына келтіруден бас тартуға;

7) сақтандыру шартында және Қазақстан Республикасының заңнамалық актілерінде қарастырылған басқа да құқықтарды жүзеге асыруға.

42. Сақтандырушы міндетті:

1) сақтандыру жағдайы орын алған кезде, сақтандыру төлемін сақтандыру шартында белгіленген мөлшерде, тәртіпте, мерзімде және шарттарда жасауға;

2) сақтандыру құпиясын сақтауды қамтамасыз етуге;

3) сақтанушыны сақтандыру ережесімен таныстыруға және оның талап етуі бойынша сақтандыру ережесінің көшірмесін беруге (жіберуге), сонымен қатар сақтандырудың барлық шарттарын, сақтанушының сақтандыру шартынан туындайтын құқықтары мен міндеттерін түсіндіруге;

4) сақтандыру жағдайының орын алуы туралы хабарлама алған кезде дереу оны тіркеуге және сақтанушыға олардың тізімін және қабылдау күнін көрсете отырып құжаттарды қабылдау туралы анықтама беруге;

12-тарау. Сақтандыру шартының қолданылу мерзімі

43. Сақтандыру шарты, сақтандырушы полисті «Полис жасалған (шығарылған) күні» деген кесте жолында көрсетілен күні шығарған кезде өз күшіне енеді. Сақтандыру шарты полисте көрсетілген мерзім (сақтандыру мерзімі) ішінде әрекет етеді. Сақтандыру қорғаныстарының әрекет ету кезеңі сақтандыру шартының әрекет ету мерзіміне сәйкес келеді.

44. Сақтандыру шартында сақтандырудың және (немесе) сақтандыру арқылы қорғауының әрекет етуінің басқа да мерзімдері қарастырылуы мүмкін.
45. Полис жасалған (шығарылған) күннен бастап жеті күн ішінде сақтандырушының есеп-айырысу шотына сақтандыру сыйлықақысы толық мөлшерде түспеген жағдайда, сақтандыру шарты күшіне енбеген деп есептеледі, бұл жайлы сақтандырушы сақтанушыға хабарлауға және сақтанушыға толық төленбеген сақтандыру сыйақысын, егер осы төлем сақтандырушыға келтірілген шығындарды шегере отырып шыққан болса сақтанушы төлеген сома мөлшерінде қайтаруға міндетті.
46. Сақтандыру шартының талаптары, егер сақтанушы сақтандырушыны жазбаша түрде ескертпесе, бастапқы полистің қолданылу мерзіміне (бірақ Сақтанушы 70 жасқа толғанға дейінгі мерзімнен аспайтын мерзімге) автоматты түрде ұзартылады, егер сақтандыру шартының қолданылу мерзімінің соңғы күніне дейін кемінде он бес күн бұрын ұзартумен келіспейтіндігі туралы жазбаша хабардар етпесе. Сақтандыру шартының қолданылу мерзімінің соңғы күнінде сақтандырушы сақтандыру ережелерінің 23-тарауында көрсетілген шарттар бойынша жаңартылған полис шығарады.

13-тарау. Сақтандыру шартының әрекет ету орны

47. Сақтандыру шарты Қазақстан Республикасының аумағында, сонымен қатар одан тыс аумақтарды әрекет етеді. Қолданыс орны полисте көрсетіледі.

14-тарау. Сақтандыру сомасын анықтау тәртібі

48. Сақтандыру сомасының мөлшерін сақтандырушы сақтанушы берген сақтандыру жөніндегі өтініш негізінде анықтайды және ол полисте көрсетіледі.
49. Сақтандыру сомасы сақтандыру шартында теңгемен және АҚШ долларындағы балама сомасында сақтандыру ережесінің 22-тарауында белгіленген сақтандыру шарты бойынша сақтандыру сыйақысын төлеу күні белгіленген "USD/KZT TOD" бағамы бойынша қайта есептеу шарттарына сәйкес көрсетіледі.
50. Сақтандыру сомасы сақтандыру жағдайы орын алған күні белгіленген "USD/KZT TOD" бағамы бойынша қайта есептеледі.

15-тарау. Сақтандыру сыйақысын төлеу мөлшері, тәртібі және мерзімі

51. Сақтанушы сақтандыру шарты бойынша сақтандыру сыйақысын біржолғы төлеммен төлейді.
52. Сақтандыру сыйақысы сақтандыру шартында теңгемен және АҚШ долларындағы балама сомасында сақтандыру ережесінің 22-тарауында айқындалған сақтандыру шарты бойынша сақтандыру сыйақысын төлеу күні белгіленген "USD/KZT TOD" бағамы бойынша қайта есептеу шарттарына сәйкес көрсетіледі.
53. Сақтандыру сыйақысы қолма-қол ақшасыз төлеммен сақтандырушының полисте көрсетілген банктік шотына төленуі мүмкін.

54. Сақтанушы, егер сақтандыру шартында басқа жағдайлар белгіленесе, сақтандыру шарты бойынша сақтандыру сыйақысын толық мөлшерде, сақтандыру шарты қолданысқа енгізілген мерзім басталған күнге дейін төлеуге міндетті.
55. Сақтандыру сыйақысы теңгемен, сақтандыру шартының (сақтандыру полисі) және сақтандыру ережесінің талаптарына сәйкес қайта есептеу шарттарында жүргізіледі.

16-тарау. Сатып алу сомасы

58-тармақ Директорлар кеңесінің шешімімен бекітілген өзгерістер ескеріле отырып жазылды (2023 жылғы 12 желтоқсандағы № 44 отырыс хаттамасы)

56. Сақтандыру шарты мерзімінен бұрын тоқтатылған жағдайда, сақтанушы сақтандырушыдан сатып алу сомасын (егер ондай болса) алуға құқылы.
57. Сатып алу сомасы сақтандырудың бірінші жылынан бастап қалыптасады және полисте сақтандырудың әрбір жылы аяқталған күніндегі жағдай бойынша көрсетіледі. Сатып алу сомасының мөлшерлері сақтандыру шартында сақтанушыға сатып алу сомасы шегінде және осындай қарыздар бойынша пайызда көрсетілген.
58. Өтеу сомасы сақтанушыға (пайда алушыға) шартты тоқтатудың себептері, сақтанушының ЖСН (егер сақтанушы заңды тұлға болса – БСН) және банктік деректемелері, полис немесе оның телнұсқасы, сақтанушының жеке басын куәландыратын құжаттың көшірмесі көрсетілген өтініш сақтандырушыға берілген күннен бастап күнтізбелік 30 күн ішінде төленуге жатады.
59. Сақтандыру ережесінің 87-тармағында белгіленген жағдайларды қоспағанда, сақтандыру шарты бойынша бір уақытта сақтандырылған тұлға болып табылатын сақтанушының мұрагерлері жоғарыда көрсетілген сақтанушының сақтандыру шарты бойынша сақтандыру жағдайына жатпайтын оқиға салдарынан қайтыс болуына байланысты сақтандыру шарты мерзімінен бұрын тоқтатылған жағдайда сатып алу сомасын алуға құқылы. Сатып алу сомасын сақтандырушы осы сақтанушының қайтыс болған күніне қарай есептейді. Бұл ретте, сақтанушының мұрагерлері: банктік деректемелер көрсетілген жазбаша өтінішті; полисті немесе оның телқұжатын; сақтанушының қайтыс болуы туралы куәліктің нотариалды түрде куәландырылған көшірмесін; жеке басын куәландыратын құжаттың көшірмесін, сақтанушы мұрагерлерінің ЖСН, заң бойынша мұрагерлікке құқық туралы куәліктің нотариалды түрде куәландырылған көшірмесін беруге міндетті.
60. Сақтандырушы сатып алу сомасын төлеген кезде, сақтанушының сақтандырушы алдындағы сақтандыру шарты бойынша берешегі мөлшеріндегі ақша сомасын ұстап қалуға құқылы.
61. Сатып алу сомасына салық салыну Қазақстан Республикасының заңнамаларында қарастырылған тәртіпте жүргізіледі.

17-тарау. Қарыз алу

62. Сақтанушы сатып алу сомасының шегінде, сақтандырушы тиісті қаржы жылына анықтаған максималды рұқсат етілетін сомадан аспайтын мөлшерде қарыз алуға құқылы. Бұл ретте қарыз сақтандырудың соңғы жылы берілмейді.
63. Сақтандырушы және сақтанушы арасындағы қарыз шарты бір жылға жасалады және Қазақстан Республикасы заңнамасының талаптарына сәйкес құрастырылады.
64. Сақтандыру шарты бойынша сатып алу сомасы сақтанушы алған қарыздың қайтарылуын қамтамасыз етеді және қарыз сомасын және бір жылға қарыз беру үшін есептелген сыйақыны жабады.
65. Қарыздарды өтеу және осындай қарыздар бойынша сыйақыларды төлеу бойынша сақтанушының кез келген берешегі сақтандырушының төлейтін ақша сомасынан ұсталынады. Қарыз шарты бойынша жалпы берешек сақтандырушының сатып алу сомасын төлеу кезеңінде төленуі тиісті ақша сомасынан ұсталынады – сақтандыру шарты мерзімінен бұрын бұзылған жағдайда, сақтандыру төлемін төлеу барысында – сақтандыру жағдайы орын алған жағдайда, егер осы уақытта аталған берешекті қарыз алушы өтемеген болса. Аталған берешек пайда алушыға (сақтанушыға) сақтандыру шартының талаптарына сәйкес төлеуі тиісті сомадан өтелетін болады.
66. Сақтанушы қарыз сомасын және есептелген сыйақыны қарыз шартының қолданыс мерзімінің соңына дейін өтемеген (толық немесе ішінара) жағдайда, сақтандыру шарты бойынша сатып алу сомасының мөлшері сақтанушының қарыз шарты бойынша берешек сомасына кемітілетін болады. Сақтандыру шартының қолданысының әрбір келесі жылы үшін сақтандыру сомасының мөлшері және сатып алу сомасының мөлшері жасалған кемуді ескере отырып, сақтандыру шарты бойынша сатып алу сомасының мөлшеріне қарай анықталатын болады.
67. Егер қарыз шарты бойынша берешек сомасы есептелген сыйақыны қоса алғанда, сатып алу сомасының мөлшеріне жететін болса, онда сақтандыру шарты бойынша сатып алу сомасының және сақтандыру сомасының мөлшері нөлге тең болып саналады. Сақтандырушы бұл туралы сақтанушыға сақтандыру шарты бойынша сатып алу сомасы және сақтандыру сомасы кеміген күнге дейін отыз күнтізбелік күн бұрын хабарлайды және бір жақты тәртіпте сақтандыру шартын аталған күннен бастап бұзуға құқылы.

18-тарау. Сақтандыру төлемінің мөлшері

68. Сақтандырушы сақтандыру жағдайы орын алған кезде, төлеуі тиіс сақтандыру төлемінің мөлшері кез келген жағдайда полисте көрсетілген және сақтандыру ережесінің 22-тарауында белгіленген сақтандыру сомасын қайта есептеуді ескере отырып, саналған сақтандыру сомасы мөлшерінен аспайды.
69. Егер растаушы құжаттар болған жағдайда сақтандыру жағдайы тура және жанама түрде төмендегілермен байланысты болса, сақтандыру қорғанысы қолданыста болған кезеңде орын алған сақтандыру жағдайы орын алған –

сақтандырылған тұлға қайтыс болған күні сақтандыру төлемінің мөлшері сатып алу сомасына тең:

- 1) ядролық жарылыс, радиация немесе радиоактивті жарақат әсері;
 - 2) әскери әрекеттермен, сақтандырылған тұлғаның әскери құрылымдарда қызмет етуі;
 - 3) азаматтық соғыс, әртүрлі халық толқулары, жаппай тәртіпсіздік немесе көтеріліс;
 - 4) сақтанушының, сақтандырылған тұлғаның және/немесе пайда алушының сақтандыру жағдайының туындауына бағытталған немесе оның орын алуына ықпал ететін қасақана әрекеттері, оларға қажетті қорғаныс жағдайында және аса қажеттілікте жасалатын әрекеттер кірмейді (растайтын құжаттар болған жағдайда);
 - 5) сақтанушының, сақтандырылған тұлғаның және/немесе пайда алушының заңнамалық актілерде белгіленген тәртіпте сақтандыру жағдайымен себепті байланыстағы қасақана жасалған қылмыс немесе әкімшілік құқық бұзушылық деп танылған әрекеттері;
 - б) сақтандырылған тұлғаның лицензияланған әуе компаниясы кемесін қоспағанда, кез келген ұшатын аппаратта ұшуы;
 - 7) сақтандырылған тұлғаның сақтандыру жағдайына әкелген немесе онымен себепті-тексеру байланысында тұрған орта және одан жоғары дәрежеде алкогольдік мастану, сақтандырылған тұлғаның есірткі, токсикоаникалық немесе басқа да мастану күйінде болуы, оларға медициналық мекемелердің білікті дәрігерлері тағайындаған дәрі-дәрмектерді қабылдау жағдайы кірмейді;
 - 8) алкогольизм, алкогольді тұтынумен байланысты себепті-салдарлы байланысы бар аурулар, олардың дамуы алкогольді жүйелі түрде пайдаланумен байланысты болады;
 - 9) сақтандырылған тұлғаның осы сақтандыру ережесінде қарастырылған қауіпті (экстремалды) әрекеттерді жасауы;
 - 10) кәсіби спорт түрімен шұғылдану
70. Сақтандыру шартының үздіксіз қолданыста болған алғашқы екі жылы ішінде сақтандыру төлемінің мөлшері қайтыс болу күніндегі сатып алу сомасына тең, егер ол тура немесе жанама түрде келесі жағдайлардың әсерінен болған болса:
- 1) сақтандырылған тұлғаның өз-өзіне қол жұмсауы немесе сондай әрекет етуі;
 - 2) сақтандыру шартында басқалай қарастырылмаса, АИВТ-инфекциясымен сырқаттануы;
 - 3) егер сақтандыру шартында басқалай қарастырылмаса, қатерлі ісіктің пайда болуымен байланысты сырқаттану.
71. Осы Тараудың 69 және 70-тармақтарында берілген жағдаяттардың туындауымен байланысты емес сақтандыру жағдайлары орын алғанда сақтандыру төлемінің мөлшері сақтандыру сомасына тең.
72. Сақтанушының сақтандыру шартының қолданылу мерзімі аяқталғанға дейін

өмір сүруіне байланысты сақтандыру төлемінің сомасы сақтандыру сомасына тең болады.

73. Егер сақтандыру шартын жасағанда сақтандырылған тұлғаның туған күні және/немесе жынысы дұрыс көрсетілмеген болса, бұнын салдарынан сақтандыру сыйақысы (сақтандыру жарнасы) немесе сақтандыру сомасы дұрыс аударылмаған болса, онда сақтандыру төлемі дұрыс туған күні және/немесе дұрыс жынысы бойынша түзетілуі керек.

19-тарау. Сақтанушының сақтандыру жағдайы орын алғанда жасайтын әрекеті, сақтандыру төлемін жасау шарттары мен тәртібі

75 және 77-тармақтардың 3) тармақшалары Директорлар кеңесінің шешімімен бекітілген өзгерістер ескеріле отырып жазылды (2023 жылғы 12 желтоқсандағы № 44 отырыс хаттамасы)

74. Сақтанушы (пайда алушы) оған қайтыс болуы туралы белгілі болғаннан кейін дереу, кез келген жағдайда қырық күнтізбелік күннен кешіктірмей сақтандырушыға оның орын алуы туралы жазбаша үлгіде хабарлауы керек. Егер сақтанушы (сақтандырылған тұлға) орынды себептермен сақтандырушыға сақтандыру жағдайларының жоғарыда көрсетілген мерзімде орын алуы туралы хабарлай алмаса, ол уақытылы хабарламау себептері туралы жазбаша түсініктеме беруге міндетті, ал керек болған жағдайда оны құжат жүзінде растауы керек.

75. Сақтандыру кезеңінде қайтыс болуы жағдайы орын алған кезде, пайда алушы сақтандырушыға келесі құжаттарды беруге міндетті:

- 1) полистің түнұсқасы (телқұжаты);
- 2) пайда алушының жеке басын куәландыратын құжат, сонымен қатар жеке сәйкестендіру нөмірі (ЖСН, Пайда алушының жеке басын куәландыратын құжатта ол болмаған жағдайда);
- 3) Пайда алушының банктік деректемелері көрсетілген өтініш: алушы банкінің атауы, банктің БСН, БСК, ЖСК, ағымдағы немесе карточкалық шоты;
- 4) пайда алушының сақтандыру төлемін алуға құқықтарын растайтын құжаттың нотариалды куәландырылған көшірмесі (егер пайда алушыны сақтандырушы сақтандыру шартын жасаған анықтамаған болса);

Сақтандырылған тұлғаның қайтыс болуы туралы куәліктің нотариалды түрде куәландырылған көшірмесі және қайтыс болуы туралы анықтама не Сақтандырылған тұлғаның қайтыс болуы дерегін растайтын, уәкілетті органның құжат (түпнұсқасы немесе нотариалды түрде куәландырылған көшірмесі не электрондық құжаттың көшірмесі);

- 5) Сақтандырылған тұлғаның қайтыс болуы туралы медициналық (дәрігерлік) куәліктің көшірмесі (бар болған жағдайда);
- 6) Құжатты берген заңды тұлғаның мөрімен және қолымен куәландырылған химиялық-токсикологиялық зерттеу нәтижелерімен қайтыс болу себептері және жағдаяттары себептері туралы сот-медициналық сараптамасы немесе потологоанатомиялық зерттеу қорытындысының көшірмесі (егер

сараптама немесе зерттеу жүргізу Қазақстан Республикасының нормативтік құқықтық актілерінде қарастырылған болса, ал егер ашу жүргізілмесе – ашудан бас тарту туралы растайтын құжат);

- 7) егер сақтандырылған тұлға стационарда қайтыс болған болса, медициналық мекеме берген және дәрігердің қолымен және осы емдеу мекемесінің мөрімен куәландырылған сақтандырылған тұлғаның медициналық картасынан (сырқаттану тарихы) үзіндінің көшірмесі;
- 8) сақтандырылған тұлғаның ауырған аурулары туралы ақпарат берілген сақтандырылған тұлғаның амбулаторлық картасының оны берген мекеменің мөрімен куәландырылған көшірмесі.

76. Сақтандырушы сонымен қатар келесі құжаттарды сұратуға құқылы:

- 1) егер құқық қорғау органдары сақтандырылған тұлғамен болған жағдай (жазатайым оқиға) дерегі бойынша қылмыстық іс қозғау туралы мәселе қаралған болса, сақтандырушы тұлға құқық қорғау органдарынан сақтандырылған тұлғаның өмірі мен денсаулығына келтірілген зиянды тіркеу дерегі бойынша анықтаманы талап етуге құқылы, ал сотқа дейінгі тергеудің бірыңғай тізілімінде (СТБТ) тіркеу жағдайында – қылмыстық істі тоқтату туралы қаулы немесе соттың үкімі;
- 2) егер сақтандыру жағдайы жол-көлік оқиғасы нәтижесінде орын алған болса, берген мекеменің мөрімен куәландырылған жол-көлік оқиғасы бойынша материалдардың көшірмесі (оқиға орнын тексеру хаттамасы, жол-көлік оқиғалары схемасы, жол-көлік оқиғасы қатысушыларының түсініктемесі, мамандардың сараптамалық қорытындысы);
- 3) сақтандырылған тұлға өзінің қызметтік міндеттемелерін орындау барысында сақтандыру жағдайы орын алғанда – өндірістегі жазатайым оқиғалар туралы акті немесе осындай актінің нотариалды түрде куәландырылған көшірмесі;
- 4) Қазақстан Республикасының заңнамасында қарастырылған және/немесе Сақтандырушының басқа да сұратқан құжаттары;

77. Сақтандырылған тұлға сақтандыру мерзімінің соңына дейін өмір сүрген кезде, сақтанушы сақтандырушыға келесі құжаттарды беруге міндетті:

- 1) полистің түнұсқасы (телқұжаты);
- 2) сақтанушының жеке басын куәландыратын құжаттар, сонымен қатар жеке сәйкестендіру нөмірі (ЖСН, сақтанушының жеке басын куәландыратын құжатта ол болмаған жағдайда);
- 3) сақтанушының банктік деректемелері көрсетілген өтініш: алушы банкінің атауы, банктің БСН, БСК, ЖСК, ағымдағы немесе карточкалық шоты.

78. Сақтанушы (пайда алушы) орын алған сақтандыру жағдайын растайтын құжаттарды бермеген жағдайда, сақтандырушы сақтанушыдан (пайда алушыдан) сақтандыру жағдайы туралы хабарламаны алған күннен кейінгі келесі күннен бастап бес жұмыс күнінен кешіктірмей сақтандыру төлемін жүзеге асыру үшін қажетті кемшілікті құжаттар туралы хабарламаны сақтанушының (пайда алушының) мекенжайына жібереді.

79. Сақтандырушы сақтандыру жағдайы орын алғанын хабарлаған күннен бастап сақтандыру жағдайының орын алу жағдаяттары мен себептерін тексеруге құқылы.
80. Сақтандырушы осы тараудың 75-77-тармақтарында көрсетілген құжаттарды алған күнне бастап он бес жұмыс күні ішінде бір реттік сақтандыру төлемін жасауға немесе сақтандыру төлемін жасаудан жазбаша үлгіде себептері көрсетілген бас тартуды беруге міндетті.
81. Сақтандырылған тұлғаның қайтыс болуы дерегі бойынша қылмыстық іс қозғалған жағдайда, сақтандырушы сақтандыру төлемі мерзімін құқық қорғау органдары немесе сот тиісті шешім қабылдаған және ол/олар заңдық күшіне енген сәтке дейін ұзартады. Сақтандыру төлемі сақтанушы (пайда алушы) көрсеткен банктік шотқа төленеді.
82. Егер пайда алушы он төрт жасқа дейінгі кәмелет жасына толмаған болса, онда сақтандырушыға берілетін растайтын құжаттар негізінде сақтандыру төлемін алуға пайда алушының заңды өкілі құқылы болады. Егер пайда алушы он төрт жас пен он сегіз жас аралығындағы кәмелет жасына толмаған болса, онда сақтандыру төлемін алу құқығы Қазақстан Республикасының заңнамалары арқылы реттеледі.
83. Сақтандырушыға сақтандыру төлемін төлеу үшін осы тарауда көрсетілген құжаттардың түпнұсқасы немесе олардың нотариалды куәландырылған көшірмелері (егер басқалай қарастырылмаса) беріледі. Сақтандырушының қалауы бойынша осы құжаттарды берген немесе осы көшірмелердің түпнұсқалары болған заңды тұлғаның уәкілетті өкілінің қолы қойылған және мөрімен куәландырылған құжаттардың көшірмесі беріледі.
84. Сақтандырушы сақтанушыдан (пайда алушыдан) алынған құжаттарды оларды алған (қабылдаған) күнді көрсете отырып дереу тіркеуге міндетті. Сақтандырушы сақтанушыға (пайда алушыға) ұсынылған құжаттардың толық тізімін және оларды қабылдау күнін сақтанушының (пайда алушының) жазбаша сұратуы бойынша көрсете отырып беруге міндетті.
85. Сақтанушы (сақтандырылған тұлға) немесе пайда алушы немесе олардың өкілдері сақтандыру ережесінің осы тарауында көрсетілген барлық құжатты бермеген жағдайда, сақтандырушы сақтандыру жағдайы бойынша шешім қабылдауға құқылы.
86. Сақтандыру төлемін жасағанда сақтандырушы одан сақтанушының сақтандыру төлемін жасаған күнгі бар кез келген берешегі мөлшері сомасын ұстап қалуға міндетті.

20-тарау. Сақтандырушының сақтандыру төлемін жасаудан босату негіздемесі

87. Сақтандырушының сақтандыру төлемін жасаудан бас тартуы:

- 1) сақтандырушының сақтанушыға сақтандыру нысаны, сақтандыру тәуекелі, сақтандыру жағдайы және оның салдары туралы біле отырып жалған мәліметтер, сонымен қатар сақтандыру ережесіне сәйкес сақтандырушыға берілуі тиіс басқа да мәліметтерді беруі;

- 2) сақтанушының сақтандырушыға сақтандыру жағдайының орын алу жағдаяттарын тергеуге кедергі келтіруі;
 - 3) сақтандыруға сақтандыру жағдайының орын алуы туралы Қазақстан Республикасының Азаматтық Кодексінің 835-бабында белгіленген шарттарда сақтандыру ережесінде белгіленген мерзімде хабарламауы.
88. Сақтандырушы сақтандыру ережесінің 87-тармағы 1-тармақшасына сәйкес оқиға бойынша сақтандыру төлемін төлеуден бас тартқан жағдайда, сақтандырушының сақтандыру шартын жасау және орындаумен байланысты сақтандыру полисінде белгіленген сатып алу сомасынан 10% мөлшерінде қосымша шығындарын шегере отырып сақтанушы (сақтандыру шарты бойынша сақтанушы болып табылатын сақтандырылған тұлға қайтыс болған жағдайда сақтанушының мұрагерлері) сақтандыру полисінде белгіленген сақтандыру сомасын алуға құқылы.

21-тарау. Сақтандыру шартын тоқтату талаптары

89. Сақтанушы сақтандырушыға сақтандыру шартын мерзімінен бұрын тоқтатуға өтініш бере отырып, сақтандыру шартынан кез келген уақытта бас тартуға құқылы.
90. Сақтандыру шартын мерзімінен бұрын тоқтату күні, егер осындай өтініште сақтанушы мерзімінен бұрын тоқтатудың барынша кеш күнін көрсетпеген болса, сақтандырушының сақтандыру шартын мерзімінен бұрын тоқтатуға өтінішті алған күн болып саналады.
91. Егер сақтанушы сақтандыру шартын шартты жасаған күннен бастап бірінші күннен он үшінші күнге дейінгі кезеңде бір жақты тәртіпте бұзатын болса, онда сақтандырушы сақтанушыға сақтандыру сыйақысының алынған сомасын толық көлемде қайтарып беруге міндетті. Егер сақтанушы сақтандыру шартын шартты жасаған күннен бастап он бесінші күннен отызыншы күнге дейінгі кезеңде бір жақты тәртіпте бұзатын болса, онда сақтандырушы сақтанушыға алған сақтандыру сыйақысының сомасын сақтандырушы сақтандыру шартын жасағанда келтірген сақтандыру сыйақысының алынған сомасынан 10% пайыздан аспайтын мөлшерін шегере отырып қайтарып беруге міндетті. Басқа сақтандыру шартын мерзімінен бұзу жағдайларында сақтанушының сақтандыру шарты бойынша төлеген сақтандыру сыйақысы (сақтандыру жарнасы) қайтарылмайды.
92. Сақтандыру шартын мерзімінен бұрын тоқтатқан жағдайда, жоғарыда аталған тармақтағы қарастырылған жағдайды қоспағанда, сақтанушы сақтандырушыдан сатып алу сомасын және бонуысты сатып алу сомасын (егер болса) алуға құқылы.
93. Сақтандыру шартының қолданысы (қай оқиға бірінші орын алуына байланысты) тоқтатылады:
- 1) сақтанушы сақтандырушыға сақтандыру шартының қолданысын мерзімінен бұрын тоқтату туралы өтініш берген жағдайда (сақтанушының сақтандыру шартынан бас тартуы);

- 2) орын алған сақтандыру шарты бойынша сақтандыру төлемін жүзеге асыру;
- 3) сақтандырылған тұлға емес сақтанушы қайтыс болған болса (сақтанушы қайтыс болған күннен бастап), егер сақтанушыны ауыстыру болмаған болса;
- 4) сақтандырушының сақтандыру ережесінде орын алған жағдайларда сатып алу сомасын төлеуді жүзеге асыру үшін негіздемелердің орын алуы;

94. Сақтандыру ережесінің 87-тармағында белгіленген сақтандыру шартын тоқтатудың жалпы негіздемелерінен басқа сақтандырылған тұлғаның қайтыс болуына әкелген қайғылы оқиғадан сақтандыруға қатысты сақтандыру шартының әрекеті сақтанушы сақтандырушыға сақтандырудың қосымша шарттарын алып тастау туралы өтініш берген күннен бастап тоқтатылады. Сақтандырылған тұлғаның қайтыс болуына әкелген қайғылы оқиғадан сақтандыруға қатысты сақтандыру шартының әрекеті тоқтатылған жағдайда сақтанушының өтініші бойынша осындай сақтандыруға қатысты сатып алу сомасын төлеу жүргізілмейді.

22-тарау. Сақтандыру шарты бойынша сақтандыру сыйақысын, сақтандыру сомасын, сақтандыру төлемін және сатып алу сомасын қайта есептеу шарттары

96-тармақ Директорлар кеңесінің шешімімен бекітілген өзгерістер ескеріле отырып жазылды (2023 жылғы 12 желтоқсандағы № 44 отырыс хаттамасы)

95. Сақтандыру шартының тараптары сақтандыру шарты бойынша барлық төлемдерді Қазақстан Республикасының ұлттық валютасы – теңгемен жүзеге асырады.
96. Сақтандыру сомасын, өтеу сомасын, сақтандыру төлемін және сақтандыру шарты (полис) бойынша сақтандыру сыйлықақысын тараптар теңгемен белгілейді және «USD/KZT TOD» бағамына сәйкес АҚШ долларындағы сома баламалары оларды қайта есептеудің мынадай талаптарымен белгіленеді:
 - 1) сақтандыру сыйлықақысы төлем (операция) жасалған күні белгіленген жоғарыда көрсетілген бағам бойынша теңгемен төленеді;
 - 2) сақтандыру жағдайы басталған кезде сақтандыру төлемі сақтандыру төлемін жүргізуге өтініш берген күнге белгіленген жоғарыда аталған бағам бойынша теңгемен төленеді;
 - 3) өтеу сомаларын төлеу шартты мерзімінен бұрын бұзу туралы өтініш немесе өтеу сомасын төлеу туралы өтініш берілген күні белгіленген жоғарыда көрсетілген бағам бойынша теңгемен жүзеге асырылады.

23-тарау. Сақтандыру шартына өзгерістер мен толықтырулар енгізу жағдайы мен тәртібі

97. Сақтандыру шартына өзгерістер мен толықтыруларды енгізу сақтанушының сақтандырушыға беретін өзгерістер мен толықтырулар енгізу туралы өтініші негізінде немесе сақтандыру ережелерінде көрсетілген жағдайларда жүргізіледі.
98. Шарт бойынша сақтандырылған тұлға өзгертілмейді.
99. Сақтандыру шартына барлық өзгерістер мен толықтырулар, сақтандыру ережесінің 46-тармағын қоспағанда, жазабаша үлгіде, Сақтандырушы осындай өзгерістер және (немесе) толықтырулармен келіскен жағдайда енгізіледі және күшіне енген болып саналады:
- 1) сақтандыру өтеміне қатысты – полистің жылдық қолданылу кезінде өзгерістер енгізілген кезде жаңартылған полис берілген күннен бастап;
 - 2) полисте көрсетілген (көрсетілген) мәліметтерді қоспағанда, сақтандыруға өтініште тікелей көрсетілген мәліметтерге қатысты - сақтандырушының келісімін растайтын құжатта көрсетілген күннен бастап, ал егер күн көрсетілмесе, сақтандырушы шығыс құжатты тіркеген күннен бастап.
 - 3) сақтанушының және/немесе сақтанушының дербес деректеріне қатысты ақпаратқа қатысты өзгерістер сақтанушының сұрауы бойынша енгізіледі - жаңартылған полис берілген күннен бастап;
 - 4) сақтандыру шартының қолданылу мерзіміне қатысты сақтандыру сомасы және өтеу сомасы - жаңартылған полис шығарылған күннен бастап есептеледі.
100. Жаңартылған полис алдында шығарылған полиске алмастырылады. Жаңартылған полис сақтандыру шартының ажырамас бөлігі болып саналады және қол қойылған күннен кейін алдында шығарылған полис (ал ол жоғалған жағдайда - телқұжат) күшін жоятын болады.
101. Сақтандыру шартының мерзімі сақтандыру ережелерінің 46-тармағына сәйкес ұзартылған жағдайда?
- 1) сақтандырушы сақтандыру сомасын айқындау кезінде сақтандырушы жаңартылған полисті берген күні сақтандырушы белгілеген кірістілік нормасын (пайызын) пайдаланады;
 - 2) егер сақтандыру шартының қолданылу мерзімі аяқталған кезде сақтанушының жасы оның қолданылу мерзімін ұзартуға байланысты 70 жастан асса, шартты ұзарту мерзімі сақтандыру жылының алдындағы сақтандыру полисінің бір жылдығына, сақтандырылған адамның жасы 70-ке жететін уақытқа қысқартылады.
102. Сақтандырушы сақтандыру шартын жасасқаннан кейін сақтандыру шартының талаптары мен ережелеріне қатысты жаңа немесе қолданыстағы заңнамалық актілерге өзгерістер енгізілсе, сақтандыру шартына толықтырулар және/немесе өзгертулер енгізуге құқылы.

103. Сақтандырушы сақтандыру шартына Қазақстан Республикасының заңнамасына қайшы келмейтін өзгерістер және (немесе) толықтырулар біржақты тәртіппен енгізуге құқылы.
104. Сақтандырушы сақтанушыға сақтандыру шартының барлық өзгерістері туралы, егер жазбаша хабарламада басқа күн белгіленбеген болса, осы сияқты өзгерістер күшіне енгенге дейін отыз күнтізбелік күн бұрын хабарлайды. Сақтанушы сақтандыру шартының өзгерістерімен келіспеген жағдайда, Сақтандырушыға жазбаша үлгіде хабарлап барып, сақтандыру шартын мерзімінен бұрын бұзуға құқылы. Егер сақтанушы өзгерістер туралы хабарламаны жөнелткеннен кейін отыз күнтізбелік күн ішінде сақтандырушыға сақтандыру шартын мерзімінен бұрын бұзу туралы хабарламаса, сақтанушы өзгерістермен келіскен болып саналады.
105. Егер сақтанушы сақтандыру ережесінің 103-тармақта айтылған жағдаяттарға (шарттарды бір жақты өзгерту) байланысты сақтандыру шартын бұзатын болса, сақтандыру ережесінің 16-тарауында белгіленген салдары орын алады.

4-бөлім. САҚТАНДЫРЫЛҒАН ТҰЛҒА ЖАЗАТАЙЫМ ОҚИҒА САЛДАРЫНАН ҚАЙТЫС БОЛҒАН ЖАҒДАЙДА САҚТАНДЫРУ

24-тарау. Сақтандырылған тұлғаның қайтыс болуына алып келген жазатайым оқиғадан сақтандырудың негізгі ережелері

106. Сақтандырылған тұлғаның қайтыс болуына әкелген қайғылы оқиғадан сақтандыруға қатысты сақтандыру ережесінің шарттары егер полисте сақтандыру шартында, сондай-ақ сақтандырылған тұлғаның қайтыс болуына әкелген қайғылы оқиғадан сақтандыру қарастырылған болса ғана, сонымен қатар сақтанушы сақтандыру сыйақысын (сақтандыру жарналарын) толық көлемде төлеген жағдайда ғана әрекет ететін болады.
107. Сақтандыру ережесінің 25-тарауында көрсетілген сақтандыру жағдайлары орын алғанда аралас өмірді сақтандыру шарттары бойынша қарастырылған сақтандыру төлеміне қосымша сақтандырушы осы бөлімде көрсетілген мөлшерде, тәртіпте және мерзімде қосымша сақтандыру төлемін жасауға міндетті.

25-тарау. Сақтандыру жағдайы және сақтандыру тәуекелі

108. Сақтандырылған тұлғаның қайтыс болуына әкелген қайғылы оқиғадан сақтандыру шарттары бойынша сақтандыру жағдайына (сақтандыру тәуекелі) Сақтандырылған тұлғаның сақтандыру қорғанысы кезеңінде орын алған қайғылы оқиға күнінен бастап алты ай ішінде қайтыс болуы орын алуы жатады.

26-тарау. Сақтандыру жағдайларынан шектеулер және сақтандыру шектеулері

109. Сақтандыру ережесінің (20-тарауында) көрсетілген сақтандыру төлемін жүзеге асырудан босату негіздемелерін қоспағанда, сақтандырушы егер

сақтандырылған тұлғаның өлімі төмендегілермен тура немесе жанама түрде байланысты болса босатылатын болады:

- 1) яролық жарылыс, радиация немесе радиоактивті жарақат әсері;
- 2) әскери әрекеттермен, сақтандырылған тұлғаның әскери құрылымдарда қызмет етуі;
- 3) азаматтық соғыс, әртүрлі халық толқулары, жаппай тәртіпсіздік немесе көтеріліс;
- 4) сақтанушының, сақтандырылған тұлғаның және/немесе пайда алушының сақтандыру жағдайының туындауына бағытталған немесе оның орын алуына ықпал ететін қасақана әрекеттері, оларға қажетті қорғаныс жағдайында және аса қажеттілікте жасалатын әрекеттер кірмейді;
- 5) сақтандырылған тұлғаның заңнамалық актілерде белгіленген тәртіпте сақтандыру жағдайымен себепті байланыстағы қасақана жасалған қылмыс немесе әкімшілік құқық бұзушылық деп танылған әрекеттері;
- 6) сақтандырылған тұлғаның сақтандыру жағдайына әкелген немесе онымен себепті-тексеру байланысында тұрған орташа және одан жоғары дәрежеде алкогольдік мастану, сақтандырылған тұлғаның есірткі, токсикоаникалық немесе басқа да мастану күйінде болуы, оларға медициналық мекемелердің білікті дәрігерлері тағайындаған дәрі-дәрмектерді қабылдау жағдайы кірмейді;
- 7) алкогольизм, алкогольді тұтынумен байланысты себепті-салдарлы байланысы бар аурулар, олардың дамуы алкогольді жүйелі түрде пайдаланумен байланысты болады;
- 8) сақтандырылған тұлғаның сақтандыру ережесінде 110-тармағымен қарастырылған қауіпті (экстремалды) әрекеттерді жасауы;
- 9) кәсіби спорт түрімен шұғылдану, егер сақтанушы (сақтандырылған тұлға) сақтандыру қабылданғанда осы ақпаратты мәлімдемеген болса және осы ақпарат сақтандыру шартында көрсетілмеген болса;
- 10) сақтандырылған тұлғаның кез келген ұшу аппаратында ұшуы, оларға лицензияланған әуе компаниясының жолаушылар тасымалдау кемесі кірмейді;
- 11) бактериалды инфекция, кесіп алу немесе жарақаттанудан туындайтын инфекция да кіреді;
- 12) жазатайым оқиға салдарынан орын алған сырқаттану түрлерін қоспағанда кез келген ауру түрлері;
- 13) апоплексикалық соққы;
- 14) медициналық немесе хирургиялық ем қабылдау немесе ота жасау.

110. Сақтандырылғанның қауіпті (төтенше) іс-әрекеттеріне мынадай қызмет түрлері жатады:

жарыс, атпен жүру, реактивті шаңғымен сырғанау. Гидроцикл (су велосипеді) – су бетінде сырғанау арқылы қозғалуға арналған, тұрақты іштен жанатын қозғалтқышы бар жоғары жылдамдықты жеке су көлігі (су көлігі);

тауға шығумен байланысты туризм (альпинизм);

парашютпен секіру;

жүгіру және «серіпшелі тіректерге» секіру – секіргіштер;
атпен жүру, вейкбординг, маунтининг (скейтбордингтің бір түрі, тақтада дөңгелектер үлкейтілген, табиғи ландшафтта сырғанау);
арнайы матадан жасалған қанатты костюмде ұшу (қанат костюмі);
слалом, жарыс, желкенді тақталармен жүзу;
арнайы велосипедтерде трюктар немесе кросс орындау (Bicycle Moto Cross (BMX))
аквалангпен су астына сүңгу;
дельтапланда, моторлы дельтапланда және олардың басқа нысандарында ұшу;
төбеден мөлдір шармен (зорб) түсу;
спортшы қолымен ұстап басқаратын сүйреткіш батпырауықпен (батпырауық) тарту күшінің әсерімен су бетіндегі қозғалыс;
жүзу құралдарының көмегісіз өзен каньондарын еңсеру;
шағын жалғыз кемеде рафтинг (байдарка) жүзу;
асфальт бетіне ұзын тақтайшада сырғанау (скейтбордқа қарағанда тезірек және тегіс сырғанау үшін);
таудан арнайы велосипедпен (тау велосипедімен) түсу;
парапландалар, моротлы парапландалар және олардың түрлері;
rogo stick («шегіртке») секіру, сондай-ақ пого таяқша деп аталады - серіппеден, тұтқадан, педальдардан және негізгі платформадан тұратын секірулерді жасауға арналған құрылғымен секіру;
үрлемелі қайықпен табиғи және (немесе) жасанды кедергілерден өтетін тау өзендерінде рафтинг;
биік заттардан арнайы сақтандырғыш арқанмен секіру (роуп- джампинг, банджи- джампинг, "тарзанка");
көпқабатты үйлердің жетуі қиын және қауіпті шатырлары мен шпалдарына сақтандырусыз көтерілу;
серфинг тақталарын немесе қысқа қанаттар мен арнайы қолғаптарды пайдаланып толқынмен жүру;
адамның стандартты емес снарядтармен күш жаттығуларын орындауы, мысалы, көлікті көтеру (қуатты экстремалды);
табиғи немесе жасанды жерге өрмелеу (жартасқа өрмелеу); скейтбордта (скейтбордта) трюктерді орындау;
арнайы шаңғыларда, арнайы сноуборд жабдықтарында қар басқан беткейлер мен таулардан шаңғымен түсу, шаңғы тебу;
шаңғы, сноуборд немесе коньки тебу кезінде қарда немесе мұзда батпырауықпен сырғанау;
сноубордпен құмда сырғанау. Көбінесе құм шұңқырларында немесе шөл далада төбелерде жүзеге асырылады;
үңгірлердің өтуімен байланысты туризм (спелеология);

мотоциклмен трюктер жасау;

велосипедте, мотоциклде немесе жүк көлігінде кедергілерді жеңуге байланысты спорттық іс-шараларға қатысу (сынақ);

асфальтталған беткейлерден арнайы снарядта (фрибордсуүсті борт) түсу;

трюктермен роликте сырғанау (роллерблейдинг);

түсу, шаңғы тебу, әдетте, табиғи төбелерден және таулардан дайындалған трассалардан тыс (Фрирайд: тау шаңғысы мен сноуборд, фрирайд велосипедтері);

жекпе-жек өнері – жекпе-жекте жеңімпазды анықтау мақсатында тек дене күшін, сондай-ақ әртүрлі спорттық құралдарды және/немесе қолмен суық қаруды пайдалана отырып, екі қатысушы бір-біріне қара күшпен қарсы шығатын спорттық жарыс түрі;

аң аулау, атпен шабу және кез келген жануармен серуендеу, әуе шарымен, шармен, планермен және олардың сорттарымен ұшу;

авто-мото- және әуе спортының барлық түрлері; регламенті, қатысу ережелері және жарысты ұйымдастыру үшін қажетті басқа да белгілері бар жарысқа бірнеше қатысушылардың (командалардың) қатысуын көздейтін кез келген ұйымдастыру іс-шараларына қатысу;

жоғарыда аталған әрекеттер түрлерінің және спорттық іс-шаралардың басқа түрлері.

27-тарау. Сақтандыру сомасы мен сақтандыру төлемінің мөлшері.

111. Сақтандырылған тұлға жазатайым оқиға нәтижесінде қайтыс болу жағдайында сақтандыру шарты бойынша сақтандыру сомасының мөлшері полисте көрсетіледі.
112. Сақтандыру жағдайы орын алғандағы сақтандыру төлемінің мөлшері сақтандыру сомасына тең.
113. Егер сақтандырылған тұлғаның қайтыс болуы жазатайым оқиға салдарынан болса, сақтандыру төлемі сақтандыру ережесінің 26-тарауында көрсетілген шарттарды ескере отырып, сақтандыру шартының талаптары бойынша сақтандыру төлеміне қосымша төленеді.

5-бөлім. ҚОРЫТЫНДЫ ЕРЕЖЕЛЕР

28-тарау. Сақтанушының орналасқан жерінің немесе тұрғылықты мекенжайының өзгеруі

114. Сақтандырушы сақтанушыға сақтандыру өтінішінде көрсетілген оның орналасқан жері немесе тұрғылықты мекенжайы бойынша хабарлама жібереді.
115. Сақтанушы орналасқан жері немесе тұрғылықты мекенжайы өзгерген жағдайда ол он күн ішінде сақтандырушыға мекенжайын хабарлауға міндетті. Кері жағдайда алдыңғы көрсетілген оның орналасқан жері немесе тұрғылықты мекенжайына жіберілген хабарлама бойынша тараптар міндеттерін орындаған (жарамды) болып саналады.

116.Сақтанушы оның орналасқан жері немесе тұрғылықты мекенжайы Қазақстан Республикасының аумағынан тыс жерде орналасқан болса, онда сақтанушы сақтандырушыға Қазақстан Республикасындағы сақтанушының хат-хабарынан жеткізу үшін жауапты сенімді тұлғаны көрсетуге міндетті.

29-тарау. Қосымша шарттар

117.Кез келген сақтандыру шартына қатысты хабарлама, өтініш, ескерту, түсіндіру жазбаша үлгіде оларды жөнелтуді растауға мүмкін болатын тәсілмен жазбаша үлгіде орындалуы тиіс. Сақтанушыда тіркеулік жазбасы бар болған кезде, сақтандыру шартына қатысты хабарламаларды және өзге хаттарды интернет ресурсындағы сақтандырушының жеке кабинеті арқылы жіберуге жол беріледі.

118.Тараптар сақтандыру шартының талаптарын орындамағаны немесе тиісінше орындамағаны үшін сақтандыру ережесі және Қазақстан Республикасының заңнамаларына сәйкес жауапкершілік алады.

119.Сақтандыру шартында реттелмеген тараптар арасындағы қатынастар сақтандыру ережесіне сәйкес реттеледі.

120.Полисті жоғалтқан жағдайда сақтанушы сақтандырушыға ол туралы хабарлауға және полистің телқұжатын алуға өтініш беруге міндетті. Сақтандырушы тиісті телқұжатты бергеннен кейін, жоғалған полис немесе полистің қосымшасы жарамсыз болады.

121.Шектеу шараларының, оның ішінде Қазақстан Республикасының аумағында жарияланған карантиннің, төтенше жағдайлардың әрекет ету кезеңінде, сақтанушының (сонымен қатар, сақтандырылған тұлғаның, қажет болған жағдайда) қолы қойылған сақтандыру өтінішінің скан (фото) көшірмесі негізінде сақтандыру шартын жасасуға рұқсат беріледі. Сақтанушы сақтандыру сыйлықақысын толық мөлшерде төлеген кезде, сақтандырушы жоғарыда көрсетілген тәсілмен ұсынылған сақтанушының сақтандыру өтінішін түпнұсқа ретінде қабылдайды. Осындай сақтандыру өтініші негізінде шығарылған полистің скан көшірмесі, сақтанушыға кейіннен оның түпнұсқасын беру арқылы, сақтанушы көрсеткен электрондық мекенжайына жіберіледі.

122.Сақтандыру шартын жасаған тараптар арасындағы барлық даулар келіссөздер арқылы шешілетін болады. Егер осындай даулар келіссөздер арқылы шешілмеген болса, олар жауапкердің орналасқан мекенжай бойынша сот тәртібінде шешілетін болады.

123.Сақтандыру шартында (сақтандыру полисінде) және сақтандыру ережесінде белгіленген барлық сома сақтандыру шартының талаптарына сәйкес теңгемен төленуге тиісті болады.

124.Егер Қазақстан Республикасының заңнамасы өзгеруіне байланысты сақтандыру ережесінің жекелеген ережелері Қазақстан Республикасының заңнамасы қайшы келіп жатса, бұл ережелер сақтандыру ережесіне тиісті өзгертулер енгізбестен, автоматты түрде күшін жояды. Сақтандыру ережесінің біреуі жарамсыз болса, ол қалған ережелерге қатысты емес. Жарамсыз ереже заңды түрде рұқсат етілген және тиісті қатынастарды реттейтін өзге ережемен алмастырылады.

- 125.Өтініш берушінің қалауы бойынша сақтандыру төлемін жүзеге асыру үшін құжаттарды қоса тіркеп, сақтандыру төлемін төлеу туралы талабын алдын ала электрондық нысанда, электрондық көшірмелер немесе электрондық құжаттар түрінде жіберуге. Бұл ретте, өтініш берушінің электрондық нысанда сақтандыру төлемін төлеу туралы талабын беруі, оны сақтандырушының орналасқан мекенжайы бойынша қажетті құжаттарды беруден босатпайды. Бұл жағдайда, сақтандыру төлемі сақтандырушыға қажетті құжаттар ұсынылғаннан кейін осы ережеде бекітілген мерзімде жүзеге асырылады.
- 126.Сақтанушы мен сақтандырушының ортақ келісімі бойынша сақтандыру ережесінің бөлек ережесін өзгертуді, алып тастауды, сондай-ақ сақтандыру шартын жасасу кезінде айқындалатын және сақтандыру полисінде қамтып көрсетілетін, қосымша талаптарды қарастыратын сақтандыру шарттары жасалуы мүмкін.
- 127.Осы сақтандыру шарты қазақ және орыс тілдерінде жасалды. Сақтандыру шартының қазақ және орыс тілдеріндегі мәтіндері сәйкес келмеген жағдайда, сақтандыру ережесінің орыс тіліндегі мәтініне басымдық беріледі.
-